

欽定大清會典事例

欽定大清會典事例卷一千七十三

太常寺

禮節

太廟禮節

恭進玉

列后升祔

冊玉

實禮節

加上

尊諡禮節

皇帝因事親

告禮節

遣

官祇告禮節

遣

官致祭

太廟後殿禮節

列聖

列后升祔

太廟禮節○

諭下。禮部具疏行欽天監諏吉。工部敬製

升祔龕案於

太廟街門內潔室敬製

神位於

山陵配殿禮工二部尚書。上香。行三跪九叩禮。既成。內

閣翰林院官朝服敬書題字。大學士滿漢各一人朝服視鑄。上香行禮。禮部豫列親王名。請

簡命恭奉

后主一人。

山陵禮成敬題

神位畢。

皇帝恭奉

神位於金輿。自

山陵迎歸

太廟祔饗。未至京前一夕。

皇帝由便道先回宮恭俟。凡視牲致齋書祝版

閱祝版視割牲儀均與時饗同。前期五日。禮部工部

太常寺官入

廟詣

中殿恭設新祔

帝

后神龕。陳帷幔。設香案。供鑪。鐙。如

列聖

列后寢室前陳設儀。先一日遣官以祔

廟告祭

天

地

宗廟

社稷如常告儀。屆日太常寺卿率屬入

廟潔蠲殿內外。藉以稊薦恭設

後殿

中殿

列聖

列后神座。如時饗儀。恭設新祔

帝

后神座於

前殿

列聖

列后之次。

按昭穆為序。

乃展

前殿兩廡配饗均如儀。將事之夕。夜分。太常寺卿入

廟。然炬明鐙。具器陳於案。各以其序。工部官張黃幄於太廟街門外之南。鑾儀衛官設洗於廟南門外。樂部陳

樂懸樂舞於階上。昧爽鑾儀衛陳

法駕鹵簿於

午門。均如時饗儀。質明。步軍統領率所部清蹕除道。自

神輿所入都門至

大清門。

御道左右途巷。皆設布幃。至時。禮部尚書侍郎赴

乾清門請

駕。

皇帝禮服乘輿出宮。諸王貝勒貝子公內大臣侍衛

朝服以從。

駕至端門外黃幄次。降輿入幄祇俟。王公百官朝服集。

大清門外祇俟。

神輿至

大清門。王公百官跪迎。候過輿。

神輿至

天安門。贊引對引官恭導。

皇帝出次跪迎。候過輿。隨行入。

太廟街門。陪祀王公百官及承祭。

後殿官分獻官均豫入殿庭祗俟。

神輿至廟南左門外輿止贊引奏盥洗。

皇帝盥鑾儀衛官跪奉盥奉巾如儀畢贊引奏恭請神位。暨對引官恭導。

皇帝詣

帝主神輿前贊引奏跪。

皇帝跪奏拜興。

皇帝三拜興恭奉

帝主奉

后主親王詣

后主與前跪。三叩興。恭奉。

后主以從。

御仗黃蓋前導。由

太廟南門左門。至戟門東階下。

御仗黃蓋止。贊引對引官恭導入戟門左門。升東階。進殿左門。司拜褥官豫布新褥。

帝主拜褥於殿內正中。布。

后主拜褥於西稍後。布。

皇帝拜褥於後。贊引對引官恭導。

皇帝詣拜位前。北嚮立。奉。

后主親王祇立於後。贊引跪奏新附

帝

后祇見

列聖

列后。

皇帝恭奉

帝主。奉

后主親王恭奉

后主均跪安於祇見位。奉

后主親王退出殿右門俟。贊引對引官恭導

皇帝退。復位立。贊引奏跪拜興。

皇帝恭代行三跪九拜禮。興。贊引奏請恭奉

帝

后神主升

寶座。暨對引官恭導

皇帝詣

帝主拜位前跪。恭奉

帝主興。奉

后主親王入殿右門。詣

后主拜位前跪。恭奉

后主興隨於後。

皇帝奉安

帝主於

寶座接奉

后主同安於

寶座親王出殿右門入陪祀班。

皇帝退及供案前贊引奏跪拜興。

皇帝行三拜禮司拜褥官徹

帝主

后主拜褥贊引對引官恭導

皇帝復位立。乃致祭。儀與時饗同。祭畢。宗室官恭奉神位還寢室。上香行禮如儀。贊引對引官恭導。

皇帝出

太廟南門升輿還宮。不陪祀之王公百官朝服跪迎如儀。

恭進玉

冊玉

寶禮節。屆期。工部官豫設綵幔於

太廟街門內潔室。設黃案於綵幔正中。陳玉

冊玉

寶設香案於黃案前。張黃幄於

太廟街門外之右。及戟門之左。鑾儀衛官設亭於綵幔

左右。太常寺官設

冊

寶案香案於

列聖位前。奉

冊

寶王公大臣皆朝服。分立於綵幔旁。屆時。禮部尚書詣

乾清門奏請行禮。

皇帝禮服出宮。

午門陳

法駕鹵簿。王公百官跪候如常儀。

皇帝至

太廟街門外。幄次盥洗畢。禮部尚書侍郎各一人恭導皇帝至綵幔正中黃案前。恭視玉

冊玉

寶畢。詣香案前。上香。司拜褥官布拜褥。恭導

皇帝就位。行一跪三拜禮。興立案東。西嚮。奉

冊

寶。王公大臣進至案前。皆跪。三叩興。恭奉安於亭內。跪

叩如初。校尉舁亭。

御仗前導。

皇帝率王公大臣等隨行。以次至

太廟南門。亭由中門入。恭導。

皇帝由左門入。奉

冊

寶王公大臣皆隨入。

皇帝至戟門外。幄次少俟。亭入。至殿外階上止。以次
序列。均南嚮。王公大臣詣亭前一跪三叩興。奉

冊

寶入殿中門。至案前。各恭設於案上。跪叩如初。退。司拜褥官豫布拜褥於殿門內正中。

皇帝由戟門左門出。升東階。入殿左門。就拜位。行三跪九拜禮。執事王公大臣均隨行禮畢。王公大臣各至案前跪。三叩興。恭奉

冊

寶行。

皇帝隨行至

中殿立案東。西嚮。王公大臣奉

冊

寶分藏於金匱。跪叩如初。退。

皇帝以次詣各香案前。上香畢。行一跪三拜禮。禮成。
皇帝還宮。作樂。王公百官跪迎如儀。

加上

尊諡禮節。○改題之日。遣官祇告

太廟

奉先殿。如儀。內閣翰林官書新加

尊諡畢。工部尚書偕太常寺堂官詣

中殿。上香。行三跪九叩禮。恭請

列聖

列后神位於

太廟潔室。敬視漆飾。既竣。滿漢大學士各一員。朝服上香。行三跪九叩禮。敬視工部以青飾

神位題字。奉安於

中殿。上香行禮畢。各退。祀前致齋。視牲。視割牲。省菜。儀與時饗同。屆日五鼓。鑾儀衛陳

法駕鹵簿於

午門外。陳金輦於

太和門外。太常寺堂官率屬入

廟。然炬明鐙。供祝帛。陳器具。王公各率宗室覺羅官奉

請

神位如時饗儀。陪祀王公百官各於其位序立。太常寺

卿詣

乾清門奏時。

皇帝禮服乘輿出宮。至

太和門外降輿。乘金輦。前引後扈。

午門鳴鐘鼓。不陪祀王公百官朝服跪候。

駕入

太廟街門左門。至

神路西降輦。贊引對引官恭導。

皇帝由戟門左門入殿左門詣正中拜位立乃祇告
加上

尊諡。上香讀祝三獻送

神。儀節均與時饗同。禮成。

皇帝還宮。易袞服。詣

奉先殿行禮。如常祀儀。○雍正元年奏准。恭加

列祖

列后尊諡。行令工部將現奉

神牌於

廟中潔淨處髹漆飾金。中書翰林官各一員。備書加上

尊諡。埽青時。奏遣滿漢大學士各一員。具朝服上香行禮。先期五日。遣官祇告。

天

地

社稷。至日。太常寺奏請。

皇帝禮服詣。

太廟行禮。恭加上。

尊諡禮成。

聖駕還宮。易袞服。詣。

奉先殿行禮。○十三年十一月。恭上。

尊諡典禮。與元年同。○嘉慶四年四月二十一日漆飾神牌。遣官祇告。

太廟中殿

奉先殿禮畢。工部堂官太常寺卿行三跪九叩禮。恭請太廟神牌於

太廟潔室。內務府大臣行三跪九叩禮。恭請

奉先殿神牌於

神庫。敬視重修漆飾。五月初一日書寫埽青。滿漢

大學士各一員。朝服上香。行三跪九叩禮。敬視書寫埽青畢。復行三跪九叩禮。原請各

神牌之大臣等隨行禮恭請

神牌還御。五月十一日行恭加上

尊諡禮。先期五日。遣官各一員。告祭

天

地

太廟後殿

奉先殿

社稷壇

高宗純皇帝几筵前。齋戒三日。屆期。

仁宗睿皇帝具禮服。親詣

太廟行禮。如時饗儀。禮成。

駕還宮。更袞服。詣

奉先殿行禮。如常祭儀。一應典禮。與雍正十三年同。

皇帝因事親告禮節。凡因事

親告。欽天監諏吉日。以

聞。下所司供備。先一日。

皇帝致齋於

大內。陪祀王公及職事各官。咸致齋。翰林院具祝

文。太常寺卿送內閣恭書。奉安

神庫。乃率屬入

廟潔蠲。藉以稷薦。工部官張黃幄於戟門。鑾儀衛官設洗於幄外。屆期。太常寺卿率屬入。

廟恭展

中殿神幄。每位薦鹿脯。鹿醢。兔醢。棗。榛。葡萄。桃。實。蓮。實。鑪。鐙。具。設案一於殿中。少西。供祝版。司祝立於祝案西。東面。設案二於殿左右。分奠香帛。尊爵。如時饗之數。司香。司帛。司爵。各立於案後。太常寺典儀一人。立於殿東檐下。西面。掌燎。官率燎人。立燎鑪南。陪祀王公。朝服。祇俟於廟街門外。候。

駕至隨行。不陪祀王公百官朝服集

午門外。屆時太常寺卿赴

乾清門奏時。

皇帝御祭服乘輿出宮。前引後扈如常儀。

午門嚴鼓。百官跪送如儀。

駕入

太廟街門左門至

神路右降輿。右贊引左對引。太常寺卿二人恭導

皇帝至

太廟南門入左門。詣戟門幄次少俟。太常寺卿奏請詣

中殿行禮。

皇帝出次盥洗。鑾儀衛官跪奉盥奉巾如儀。入戟門左門。司拜褥官豫布拜褥於

中殿門內正中。贊引對引官恭導

皇帝由

前殿東循牆升

中殿東階進殿左門。就拜位前北嚮立。執鑪鐙官止東階下。夾階左右立。侍衛僉立東西階隅。前引大臣分立殿檐下。東西面。後扈大臣隨侍。陪祀王公按翼立殿門左右。典儀官贊執事官各共乃

職。以下祀儀節次。贊引奏就位。

皇帝就位立。左右司香奉香盤。以次進至各案前恭候。贊引奏詣香案前。暨對引官恭導。

皇帝詣

太祖高皇帝香案前對引至祝案前止立。司香跪。贊引奏跪。

皇帝跪。奏上香。司香進香。

皇帝上炷香。三上辦香。興。以次詣

列聖香案前上香儀同。贊引奏復位。暨對引官恭導。

皇帝復位立。贊引奏跪拜興。

皇帝行三跪九拜禮。王公均隨行禮畢。乃奠帛爵。行初獻禮。有司揭尊罍。勺挹酒實爵。左右司帛以次進至各

神位前。司帛跪獻篚。奠於案。三叩興。司爵立獻爵。奠於墊中。各退。司祝詣祝案前跪。三叩興。奉祝版跪案左。贊引奏跪。

皇帝跪。王公皆跪。贊讀祝。司祝讀祝畢。興。奉祝版跪安。

神位前篚內。三叩興。退。贊引奏拜興。

皇帝率王公行三拜禮。亞獻。奠爵於左。三獻。奠爵於

右。均如初儀。既終獻。贊引奏跪拜興。

皇帝率王公行三跪九拜禮。興。司祝司帛詣

神位前。咸跪三叩。司祝奉祝。司帛奉篚。興。司香跪奉香。
以次恭送燎所。

皇帝轉立拜位旁。西嚮。司拜褥官徹拜褥。王公退立
階下。東西面。俟祝帛過。仍布拜褥。

皇帝復位立。贊引奏禮成。暨對引官恭導

皇帝仍由原入之門出。至

神路西升輿。

駕還宮。翼扈如來儀。

午門鳴鐘。百官跪迎。王公隨

駕入。至內金水橋恭候。

皇帝還宮。皆退。是日。並遣官告祭。

後殿陳設及行禮儀節。如祫祭前告之儀。○乾隆二十

四年奏准。

皇帝躬親告

廟。在

中殿行禮。讀祝文。供獻酒脯果品。不用牲。不作樂。不齋。

戒。王公於殿門檻外行禮。百官不陪祀。

後殿遣官告祭。○又奏准。

皇帝親告

太廟中殿。豫日不閱祝版。太常寺官由內閣恭請敬送祭所。不請

神位。敬啟幃幔。

聖駕出。

午門嚴鼓。不設鹵簿。不作樂。

回鑾鳴鐘。滿漢文武百官俱朝服在

午門外咸集。跪候迎送。行禮儀節。祀前太常寺繕寫進呈。

遣官祇告禮節。○凡遣官祇告

後殿

中殿承祭官各一人。及執事官均致齋一日。豫期翰林

院具祝文。太常寺卿送內閣恭書。奉安

神庫。至日。率屬入

廟設祝案。尊案。薦脯醢果實。具鑪鐙。恭展

神幄。屆時。承祭官上香讀祝。行三獻禮。執事官贊襄厥
事。如祫祭前告之儀。

後殿

中殿祇告同。

遣官致祭

太廟後殿禮節。○凡遇元旦。

皇太后聖壽。

萬壽聖節。致祭。

太廟後殿。太常寺前期具題。均遣大臣一員行禮。至日。

承祭官率屬入。

廟。設祝案。尊案。薦脯醢果實。具鑪鐙。宗室王公一人詣後殿。上香行禮。覺羅官八員。分詣各。

寢室前跪叩。恭請四室。

神牌。奉安於。

寶座。承祭官上香讀祝。行三獻禮。執事官贊襄厥事。均。

與時饗

太廟後殿禮節同。○康熙十三年奏准。凡遇元旦。

太皇太后

皇太后聖壽。

萬壽聖節。恭請

太廟後殿

列祖

列后神牌於

奉先殿合祭。○三十八年議准。

四祖神牌。安奉

太廟後殿。每歲時饗歲除。

大禘。元旦又請。

神牌合祭。似屬重複。嗣後元旦。

皇太后聖壽。

萬壽聖節。停止合祭禮。即於。

太廟後殿遣官致祭。○道光四年

諭。嗣後

皇太后萬壽聖節。應行告祭。

太廟後殿之處。著欽天監載入祀冊。禮部於通禮中一

併增載。永遠遵行。

[illegible]

欽定大清會典事例卷一千七十四

太常寺

禮節

春秋祭社稷禮節

社稷禮節因事祇告

祈報

社稷

禮節

春秋祭

社稷禮節。春秋仲月。日用上戊。先三日。禮部尚書一

人。詣攝牲所。視牲如儀。致齋書祝版。視割牲。

閱祝版。儀均與

北郊同。先一日。太常寺卿率屬潔

壇。敷五土。如其方色。恭設

神座

太社位右

太稷位左。皆北嚮。

后土。句龍氏位東。西嚮。

后稷氏位西。東嚮。祀日五鼓。太常寺卿率屬入

壇。然炬。明鐙具。器陳於案。各以其序。

太社

太稷皆牛一。羊一。豕一。登一。鉶簠簋各二。籩豆各十二。

鑪一。鐙二。

配位同階。下設三案。一中。少西南嚮。供祝版一。東次。

西嚮陳香盤二。一西次東嚮陳香盤二。方珪二。
一黃。禮神制帛四。色。尊二。玉爵二。陶爵四。又陶
爵六。壺一。實福酒。盤一。實胙肉。凡牲陳於俎。凡
玉帛實於篚。凡尊實酒承以舟。疏布幕勺具。工
部官張幄次於戟門內少東。鑾儀衛官設洗於
次外。樂部率太常寺協律郎設中和韶樂於壇
門內左右。分東西懸。均南嚮。陳文武二舞於樂
懸之次。如。

北郊儀陳設畢。太常寺博士引禮部侍郎一人升

壇詣

正位前。省視玉帛。黍盛及登俎。籩豆之實。以次詣

配位前。周視如儀。行禮位。壝門外正中為

皇帝行禮拜位。南嚮。

拜殿前夾甬道左右為陪祭王公拜位。左翼居東。右翼居西。東西隅為百官拜位。文官郎中以上。武官參領世爵輕車都尉以上。東西各五班。均重行異等。東位西上。西位東上。執事位。壝門外司拜褥鑒儀衛官二人。分立於

皇帝拜位左右。東西面。太常寺司祝一人。立祝案西。東面。司爵四人。司玉帛二人。司帛二人。司香二

人。光祿寺卿二人。太常寺贊賜福胙一人。序立西案之西。東面。司香二人。序立東案之東。西面。侍儀禮部尚書侍郎各一人。立東案之南。西面。都察院左都御史。副都御史各一人。樂部典樂一人。立西案之南。東面。司樂協律郎。樂工。歌工。舞佾立位。與

北郊同。太常寺典儀一人。在樂工之北。西位。東面。接福胙。侍衛二人。立於壇門外。東。司拜褥官之次。記注官四人。立於侍衛之次。均西面。糾儀御史四人。禮部祠祭司官四人。分立於陪祀王公百官

拜位前。引王公百官行禮。鴻臚寺官二人分立於御史禮部官之次。均東西面。掌蹕官率蹕人立壇外西北隅。是日五鼓。鑾儀衛陳法駕鹵簿於

午門外。陳金輦於

太和門外。陪祀王以下公以上按翼集壇門外。候駕至。隨行百官序立於壇門外左右祗俟。均東西面。司祝恭奉祝版。安於祝案。日出前四刻。禮部尚書一人率太常寺卿屬詣

神庫上香行禮。恭請

神位。以次奉安於

神座如儀。太常寺卿赴

乾清門奏時。

皇帝御祭服。乘禮輿出宮。至

太和門外降輿。乘金輦。鑾儀衛奉輦納陛。內大臣
侍衛前引。後扈如常儀。提鑪官執鐙官左右列
行。

午門鳴鐘鼓。導迎樂陳而不作。不陪祀王公以下
文武各官咸朝服跪送。

駕出闕右門。至壇北門外。

神路東降輦。納陛扶輦如前儀。右贊引左對引太常寺卿二人恭導。

皇帝入自北門之右。至幄次少俟。太常寺卿告奉安神位畢。奏請行禮。

皇帝出次。鑒儀衛官跪奉盥奉巾如儀。盥畢。司拜褥官豫布拜褥於壇北門外正中。贊引對引官恭導。

皇帝由拜殿出。至壇北門外就拜位前南嚮立。前引內大臣侍衛執鑪鐙官至拜殿外均止立。後扈大臣隨侍。鴻臚寺官引陪祀王公百官各就拜。

位序立。典儀贊樂舞生登歌。執事官各共乃臙。
武舞執干戚進。贊引奏就位。

皇帝就位立。典儀贊瘞毛血迎。

神司

正位香二人升東西階分詣

神位前祇俟。司樂贊舉迎。

神樂奏登平之章。樂作。贊引奏升

壇。暨對引官恭導。

皇帝升北階。詣

太社位前。對引官至北階上止立。司香跪。贊引奏跪。

皇帝跪。奏上香。司香進香。

皇帝上炷香。次三上辦香。興。以次詣

太稷位前上香。儀同贊引奏復位。暨對引官恭導

皇帝復位立。司

配位香二人由東階分詣

后土句龍氏

后稷氏位前。跪上香畢。各退。贊引奏跪拜興。

皇帝行三跪九拜禮。王公百官均隨行禮。樂止。典儀

贊奠玉帛。行初獻禮。司樂贊舉初獻樂。奏茂平

之章。樂作。司樂舉節。舞千戚之舞。有司揭尊罍。

勺挹酒實爵。司玉帛奉玉帛。司帛奉篚。司爵奉爵。均由北階升。司玉帛詣

正位前。司帛詣

配位前。各跪獻爵奠於案。三叩興。司爵分詣

正位

配位前。跪獻爵奠於塾中。畢。自西階退。司祝至祝案前跪。三叩興。奉祝版升階左。就壇中少西跪。樂暫止。贊引奏跪。

皇帝跪。羣臣皆跪。贊讀祝。司祝讀祝。讀畢。興。奉祝版跪安。

太社位前。籩內三叩興退。自西階降。樂作。贊引奏拜興。
皇帝率羣臣行三拜禮。興。樂止。武功之舞退。文舞執
羽籥進。典儀贊行亞獻禮。司樂贊舉亞獻樂。奏
育平之章。樂作。舞羽籥之舞。司爵詣各

神位前。跪奠爵於左。儀如初獻。獻畢。樂止。典儀贊行終
獻禮。司樂贊舉終獻樂。奏敦平之章。樂作。舞同亞獻。
司爵詣各

神位前。跪奠爵於右。如亞獻儀。獻畢。樂止。文德之舞退。
太常寺贊禮郎一人詣祝案前。東。西面立。贊

賜福胙。光祿寺卿二人奉福胙升階。至

神位前拱舉。退降北階左。祇立於

皇帝拜位之右。侍衛二人進立於左。贊引奏跪。
皇帝跪。左右官皆跪。奏飲福酒。右官進福酒。

皇帝受爵拱舉。授左官。奏受胙。右官進胙。

皇帝受胙拱舉。授左官。奏拜興。

皇帝三拜興。又奏跪拜興。

皇帝率羣臣行三跪九拜禮。典儀贊徹饌。司樂贊舉
徹饌樂。奏博平之章。樂作。司玉帛詣案前。跪叩
興。奉方珪以退。樂止。典儀贊送。

神。司樂贊舉送。

神樂奏樂平之章。樂作。贊引奏跪拜興。

皇帝率羣臣行三跪九拜禮。興。樂止。典儀贊奉祝帛。
饌送瘞。司祝司帛詣

神位前咸跪。三叩。司祝奉祝。司帛奉篚。興。司香跪奉香。
司爵跪奉饌。興。以次恭送瘞所。典儀贊望瘞。司
樂贊舉望瘞樂。奏徵平之章。樂作。贊引奏禮成。
恭導

皇帝由壇北門出。樂止。祀畢。禮部尚書率太常寺卿
屬恭請

神位復御。儀與請奉

神位同。

皇帝至北門外

神路東。升禮輿。導迎樂作。奏祐平之章。

午門鳴鐘。不陪祀王公百官咸朝服跪迎。王公隨駕入。至內金水橋恭候。

皇帝還宮。各退。太常寺官徹。

乾清門齋戒牌銅人送寺。○順治元年定祭

社稷。設樂舞於壇門內壇下兩旁。壇官各二員。執長竿

側立於壇東西。以御飛禽。又備四龕於壇下。如

遇風雨。即以覆護。

神牌。○八年。祭

社稷壇。恭值

太宗文皇帝忌辰。陪祀各官行禮畢。仍易素服。○又定。
皇帝親祭

社稷壇。行飲福受胙禮。○康熙三年。祭

社稷壇。恭遇

太宗文皇帝忌辰。改期中戌日致祭。○十六年。祭

社稷壇。是日遇雨。太常寺奏請行禮於

拜殿。奉

旨。仍照常處行禮。○雍正二年。議定。春秋致祭

社稷壇。

皇帝親詣行禮。應

閱祝版。如遇忌辰。太常寺官由內閣恭奉送至祭所

安設。○六年議准。

太社

太稷神牌。均高二尺五寸。

神座尺有五寸。共高四尺。邊豆案僅高尺有二寸。較各壇稍低。應將

神座加高一尺。安奉

神牌。共高五尺。以符土為五數之古制。其邊豆等案。亦

加高尺有三寸。共二尺五寸。以符五五之數。

配位神牌各高二尺四寸。

神座高尺有四寸。邊豆案高尺有二寸。所有

神座邊豆案均增高一尺。以符體制。○十二年議准。

社稷壇東旁。向不設案。嗣後照依西旁規制。增設一案。

太社神位

后土句龍氏神位司香官。豫將香盤等物安於案上。

庶陳設整齊。益昭誠敬。○乾隆十七年奏准。改

社稷壇望燎為望座。○又奏准。進呈禮節內。恭書

皇帝御祭服出宮。○三十七年。

高宗純皇帝親祭

社稷壇。有司先設幄次於

拜殿內。

高宗純皇帝乘輦。由闕右門入東北門。至

社稷壇北門外降輦。乘禮輿入右門。循

戟殿東行至

拜殿東階下降輿。升階詣

壇行禮。禮成。仍至原降輿處升輿。○三十九年奏准。

皇帝親詣

社稷壇。如遇風雨在

拜殿內行禮。另設香案於殿南檐。以備躬詣拈香。其

正位及

配位神牌。俱照例安奉。豫備之龕內。以避風雨。凡供品几筵及樂位。仍照常安設。所有幄次。即移於戟殿內陳設。王公拜位。移於

拜殿階下。百官拜位。移於

戟殿南檐兩旁。東西按序行禮。○四十一年議定。如祭日請

駕前十刻值風雨。太常寺將祭品樂廬移設

拜殿奉安

神牌於殿內致祭。若驟遇風雨。以龕覆護神位。另設香案於

拜殿奏請

皇帝於拜殿行禮。○嘉慶七年定。嗣後祭

社稷壇。俱用上戊。○二十一年。

仁宗睿皇帝詣

壇。由闕右門至

社稷北天門外小姜礅下鋪設椽薦處降輿。禮成後仍於降輿處升輿。○道光十九年

諭本年秋祭

社稷壇著遵照嘉慶二十一年之例在北門外降輿俟
癸卯年再由

戟殿東牆至拜殿後北階下鋪設椽薦處降輿禮成
仍於此處升輿屆期令太常寺再行具奏

祈報

社稷禮節○孟夏

常雩後不雨既祈

天神

地祇

太歲越七日。乃禱於

社稷。並設

配位。遣官一人將事。文武官應陪祀者咸與。致齋三日。前期具祝文。潔器陳。備脯醢果實。祭日。陳玉帛樂懸樂舞。執事官依次序立。與常祀同。遣官暨陪祀官素服就位行禮。迎

神。奏延豐之章。初獻。奏介豐之章。亞獻。奏滋豐之章。終獻。奏需豐之章。徹饌。奏綏豐之章。送

神。奏貽豐之章。望座。奏溥豐之章。凡儀節皆典儀唱贊。舉樂皆司樂唱贊。初獻舞千戚之舞。亞獻終獻

舞羽籥之舞。與常祀同。得雨則報。用牲牢。遣官
暨陪祀官朝服行禮。如常祀之儀。若雨潦祈晴。
冬旱祈雪。禮亦如之。○乾隆二十一年奏准。

社稷壇祈雨。

皇帝親詣行禮。一應典禮。俱照致祭。

社稷壇禮節行。其前期一日。

皇帝視祝版。應用常服。不挂朝珠。祭日。

皇帝雨纓素服。陪祀王公大臣官員。亦俱雨纓素服。
不設鹵簿。不作樂。

午門鳴鐘。不陪祀王公以下各官。皆常服迎送。所

有禮節及應辦事宜。交太常寺辦理。祝文由翰林院擬撰。○二十四年

諭朕此次親詣

社稷壇祈求雨澤。禮部所開儀注內。無薦玉之禮。詢其原委。則係相沿舊規。並無義意可考。夫玉以庇廕嘉穀。使無水旱之災。載在傳記。且於答陰之義。更為相稱。著飭所司。敬謹用玉將事。以迓

神庥。祭之日。朕雨冠素服。出右門。御常輿。由右一路行至金水橋。應御輦處。即步行至

壇行禮。以申虔祈。○嘉慶五年奉

旨。太常寺衙門具奏。

社稷壇恭謝雨澤。請照春秋祭祀儀注舉行。曾詢之該寺堂官。據稱親詣

社稷壇祈雨。舊儀係由金水橋北。步行前往。至報祀向條遣官行禮。並無親詣儀注。是以此次循照春秋親祭常例。乘輿至

社稷壇北門外。鋪設梭薦處降輿等語。但祈求雨澤。既經步行祈禱。若報祀之禮稍有不同。轉似得有雨澤。略涉滿假。朕何敢出此。況朕從前隨侍

皇考往

黑龍潭求雨。

皇考至山門降輿。升階數十級。俱係步行而上。報祀之儀亦同。節年從無更改。試思

龍神尚如此申敬。况

社稷壇典禮尤隆。既經步禱。自應步謝。方足以申誠敬。嗣後除春秋祭祀。仍照舊定儀注舉行外。如遇祈禱雨澤。及親詣報祀各典禮。俱步行前往。所有此次儀注。著太常寺遵照改定具奏。○六年。以六月雨水連綿。久未晴霽。

仁宗睿皇帝於二十二日由

圓明園進宮。致齋三日。二十六日。

親詣

社稷壇行祈晴禮。御常服。挂朝珠。

壇內不作樂。薦脯醢果實。行禮儀節。與常祭同。一切典禮。由禮部太常寺豫備。所用祝文。由翰林院撰擬。○又

諭。本月二十二日。朕由圓明園進宮齋戒祈晴。是日雨勢微細。旋即霽止。二十三、四等日。雲氣漸散。昨日業已放晴。今早朕親詣

社稷壇禮成。天光開霽。日色暢晴。此皆仰賴

昊眎

神庥默垂鑒佑。欣感之餘。倍深兢惕。向來求雨有謝降之禮。因思祈晴事同一體。亦應虔誠叩謝。本月二十七至二十九日孟秋時饗齊戒。次月初一日。朕詣太廟行禮後。仍於宮內齋戒。初二日親赴

社稷壇謝晴。所有一切儀文。著照祈晴典禮。該衙門敬謹豫備。至祈晴係用常服。今行謝晴之禮。服色應有區別。是日朕御龍袍龍褂。其陪祀王公大臣及執事各員。俱著穿蟒袍補褂。並著該衙門將祈晴謝晴典禮儀注。一併載入會典。○又定。

皇帝親詣

社稷壇行謝晴禮。照謝降之禮行。○十二年

諭。向來祈雨報雨。本無樂章。迨乾隆十八年。始行增設。至祈晴報晴。本不時有。嘉慶六年。曾因雨水稍多。舉行此禮。彼時未經議設樂章。因念雨暘祈報。民瘼攸關。典禮自宜畫一。所有祈晴報晴。應行增設樂章之處。著樂部太常寺查明。交翰林院妥擬進呈。候朕閱定。交太常寺載入則例。永遠遵行。

因事祇告

社稷禮節。○太常寺奏請遣官一人將事。及執事官均

致齋一日。豫期翰林院具祝文。太常寺卿送內閣恭書。受而奉諸

神庫。飭屬備器陳。至日五鼓設

太社

太稷神座於壇上。薦鹿脯。鹿醢。兔醢。棗。榛。葡萄。桃。實。蓮實。鑪。鐙具。階下中少西設一案。北嚮。供祝版。司祝一人立於案西。東面。右設一案。西嚮。陳香盤二。左設一案。東嚮。陳禮神制帛二尊。一。冪勺具。爵六。司香。司帛。司爵各一人。立於案後。糾儀御史左右各一人。立於案北。均東西面。典儀一人。

立於壇北左門東面。雞初鳴。遣官豫俟於街門內。贊引太常寺贊禮郎一人。俟於壇西隅。均朝服。黎明。太常寺卿率屬恭請。

太社

太稷神位入壇恭設

神座上如常儀。遣官由街門入南門。循壇西行。盡壇。贊禮郎二人。引詣壇北門外。拜位前立。典儀贊就位。執事官各共乃職。贊禮郎引遣官就位立。典儀贊迎。

神司香奉香。升東西階。分詣香案前。祇俟。贊禮郎贊升。

壇引遣官升北階詣

太社位前立。贊跪。遣官跪。贊上香。司香跪進香。遣官上
炷香。三上辦香。興。次詣

太稷位前上香儀同。贊復位。引遣官自北階降復位。行
三跪九叩禮。興。司帛奉篚。司爵揭尊。冪。勺挹酒
實爵。行初獻禮。以次升北階至

神案前跪。奠帛。三叩興。奠爵。墊中。皆退。司祝詣祝案前
跪。三叩興。奉祝版升北階至

壇上正中跪。讀畢興。詣

太社位前跪。安篚內。三叩興。退。遣官三叩興。亞獻奠爵

於左。三獻奠爵於右。均如初。送

神望座。並同常祭儀。贊禮郎贊禮畢。引遣官仍由南門
出。太常寺卿率屬恭請

太社

太稷神位還御如儀。各退。

欽定大清會典事例卷一千七十五

太常寺

禮節

日壇親祭
禮節

日壇禮節
親祭

遠官祭
月壇禮

節
遠官祭

月壇禮節

親祭

日壇禮節○每遇甲丙戊庚壬年。

皇帝親祭

日壇。先二日。禮部尚書一人至犧牲所視牲如儀。是

日。太常寺卿率屬進齋戒牌銅人恭設於

乾清門如儀。

皇帝齋於大內。王公百官齋於邸第。書祝版。閱祝版儀均與。

北郊同。祀前一日黎明。太常寺官設香案於宰牲亭外。光祿寺少卿一人朝服。上香。御史禮部祠祭司官視宰。宰人瘞毛血如儀。是日。太常寺官潔饗壇上下。藉以稊薦。設

神座於壇上。西嚮。工部官張

皇帝拜次於西階上如式。將祀之日夜分。太常寺卿率屬入壇。具器陳牛一。羊一。豕一。登一。釧二。簋簋各二。籩豆各十。琖三十。鑪二。中少北設一案。

東嚮。供祝版。南設一案。北嚮。陳赤壁一。禮神制帛一。色赤。香盤一。尊一。爵三。並設福胙。加爵一。凡牲陳於俎。凡玉帛實於篚。凡尊實酒。承以舟。疏布幕。勺具。鑾儀衛官設洗於

具服殿外。樂部率太常寺協律郎設中和韶樂及樂舞於壇門內。南北分列。器數與

北郊同。太常寺博士引禮部侍郎一人升壇。視玉帛。棗盛及籩豆登俎之實如儀。行禮位。西階上。幄次正中為

皇帝拜位。東嚮。陪祀王公位。壇下左右各二班。百官

位墻門外左右各五班。重行異等。均東面。左班北上。右班南上。執事位壇上。太常寺司拜牌拜褥官各一人。立於

皇帝拜位左右。司祝一人。司香一人。司玉帛一人。司爵一人。光祿寺卿二人。侍衛二人。太常寺贊答福胙一人。侍儀禮部尚書侍郎。都察院左都御史。副都御史。樂部典樂各一人。位南北序。分立祝案。尊案之次。如常儀。太常寺典儀一人。司樂一人。北面立於階下之左。記注官四人。南面立於墻門外之右。糾儀御史四人。禮部祠祭司官

四人引禮鴻臚寺官四人分立王公百官拜位之次。協律郎歌工樂工舞佾分立樂懸之次。傳贊二人。循墻門內牆西立。位均南北序南北面。掌燎官率燎人立於墻外西南隅。其日五鼓。步軍統領率所部清蹕除道。自

東華門至

日壇景升街。

御道左右途巷皆設布幃。鑾儀衛陳

法駕鹵簿。不陪祀王公百官。朝服咸會。祇候送

駕如儀。日出前六刻。太常寺卿赴

乾清門奏時。

皇帝御祭服。乘禮輿出宮。前引後扈如常儀。
駕發警蹕。

午門鳴鐘鼓。

駕出東華門。導迎樂前引不作。提鑪執鐙官左右騎
導如詣。

北郊儀。

駕至壇北門外降輿。右贊引左對引。太常寺卿二人
恭導。

皇帝入北門中門詣。

具服殿少俟鴻臚寺官引陪祀王公於殿外侍衛
後引陪祀百官南班於拜位南北面北班於路
西東面序立祇候卯初刻司祝恭奉祝版設於
祝案禮部尚書一人率太常寺卿屬詣

神庫上香行禮恭請

大明神位奉安於

神座如儀太常寺卿至

具服殿奏請詣

日壇行禮

皇帝出次盥洗鑒儀衛官跪奉盥奉巾如儀司拜褥

官豫布拜褥於壇上拜次。贊引對引官恭導。

皇帝入壇西門左門升西階就拜位前東嚮立。司拜牌官安拜牌退。前引內大臣執鑪鍙官侍衛均於階下止立。後扈大臣隨侍。鴻臚寺官引陪祀王公百官均就拜位序立。典儀贊樂舞生登歌執事官各各乃職。武舞執干戚進。贊引奏就位。皇帝就位立。典儀贊迎。

神。司香奉香進至。

神位前祇俟。司樂贊舉迎。

神樂奏寅犧之章。樂作。司拜牌官起拜牌。贊引奏就。

上香位。及對引官恭導。

皇帝詣香案前。對引官至香案前止立。司香跪。贊引奏跪。

皇帝跪。奏上香。司香進香。

皇帝上炷香。次三上辦香。興。贊引奏復位。及對引官恭導。

皇帝復位。司拜牌官安拜牌。贊引奏跪拜興。

皇帝行三跪九拜禮。傳贊贊跪叩興。王公百官均隨行禮。興。樂止。典儀贊奠玉帛。司樂贊舉奠玉帛。樂。奏朝曦之章。樂作。司玉帛奉篚。詣。

神位前。跪獻於案。三叩興。退。樂止。典儀贊行初獻禮。
司樂贊舉初獻樂。奏清曠之章。樂作。司樂舉節。
舞千戚之舞。有司揭尊。冪勺挹酒。實爵。司爵奉
爵詣。

神位前跪。奠於墊中。退。司祝至祝案前跪。三叩。奉祝
版跪案左。樂暫止。贊引奏跪。

皇帝跪。羣臣皆跪。贊讀祝。司祝讀祝。讀畢興。奉祝版
跪安。

神位前篚內。三叩興。退。樂作。贊引奏拜興。

皇帝率羣臣行三拜禮。興。樂止。武功之舞退。文舞執

羽籥進。典儀贊行。亞獻禮。司樂贊舉。亞獻樂。奏
咸。曦之章。樂作。舞羽籥之舞。司爵奉爵。詣

神位前跪。獻爵於左。儀如初獻。獻畢。樂止。典儀贊行
終獻禮。司樂贊舉。終獻樂。奏純。曦之章。樂作。司
爵奉爵。詣

神位前跪。獻爵於右。如亞獻儀。獻畢。樂止。文德之舞
退。太常寺贊禮郎一人。詣祝案前立。贊答福胙。
光祿寺卿二人。就南案奉福胙。至

神位前拱舉。退。祇立於

皇帝拜位之右。侍衛二人。進立於右。贊引奏跪。

皇帝跪。左右官皆跪。奏飲福酒。右官進福酒。

皇帝受爵拱舉。授左官。次受胙。如飲福之儀。奏拜興。
皇帝三拜興。又奏跪拜興。

皇帝復行二跪六拜禮。王公百官均隨行禮。典儀贊
徹饌。司樂贊舉徹饌樂。奏延膳之章。樂作。司玉

帛詣

神位前跪叩。奉赤壁以退。樂止。典儀贊送

神。司樂贊舉送

神樂。奏歸犧之章。樂作。贊引奏跪拜興。

皇帝率羣臣行三跪九拜禮。興。樂暫止。典儀贊奉祝

帛饌送燎。司祝司帛詣

神位前咸跪。三叩。司祝奉祝。司帛奉篚。興。司香跪奉香。司爵跪奉饌。興。以次恭送燎所。

皇帝轉立拜位旁。北嚮。司拜褥官徹拜褥。俟祝帛過。仍布拜褥。

皇帝復位立。樂作。陪祀王公百官退班。贊引奏禮成。恭導。

皇帝出壇左門入。

具服殿更衣。樂止。禮部尚書率太常寺卿屬恭請神位復御。儀如迎。

神贊引恭導

皇帝出具服殿。至壇北門外乘禮輿。

法駕鹵簿前導。導迎樂作。奏祐平之章。

皇帝回鑾。王公從。各官以次退。不陪祀。王公百官。仍

朝服祇候。

駕至跪迎。

午門鳴鐘。樂止。王公隨

駕入。至內金水橋。恭候

皇帝還宮。退。太常寺官徹

乾清門齋戒牌。銅人送寺。○順治八年定。

朝日壇出

東華門。向於日出前八刻寅正初刻請

駕。嗣後改於日出前六刻寅正二刻請

駕。○三十九年。

高宗純皇帝親詣

日壇御祭服。乘禮轎出宮。至景升街。太常寺堂官二員。在前引十大臣前。恭導由北天門中門至西樞星門外甬道北。鋪設梭薦處降輿。贊引對引官恭導至盥手處盥手畢。入壇西門左門。詣幄次拜褥前行禮。○嘉慶二十一年。

仁宗睿皇帝親祭

日壇。由北天門中門至

神庫前甬道中間鋪設梭薦處降輿。贊引對引官恭導至西樞星門外盥手處盥手畢。入樞星左門升。

壇詣幄次行禮。○道光四年

諭。本年係親詣

朝日壇行禮之年。上年朕已親詣行禮。今年明年進本時。著專請遣官。○十一年

諭。嗣後凡致祭

日壇祝版。用赤質朱書。玉用赤璋。帛用紅色。禮神制帛。樂用七奏。樂章曰賡。舞用八佾。牲用太牢。爵用陶。舊制用玉。豆登簋簋。釶尊同。

皇帝祭服用赤色。○雍正四年奏准。

日壇向係露祭。嗣後於壇下別設

神龕。以備風雨。並香鑪上增設鑪蓋。○乾隆四年議准。

日壇等祭。均係中祀。致齋二日。如

皇帝親詣行禮。於別殿內致齋。○八年奏准。春分日

致祭

日壇是日適遇

孝昭仁皇后忌辰。照例穿禮服行禮作樂。○十一年。

高宗純皇帝親祭

日壇。以次日日食。不乘輦。不設鹵簿。還宮不奏樂。○

又奏准向例

日壇如遇

皇帝親詣行禮之年。於壇北門內甬道西設更衣大

次。今

具服殿已經告成。停設更衣大次。○二十三年奏

准祭

朝日壇。應行雙籤請旨。題本內將上屆親詣致祭之處。附片聲明。其應遣官致祭之年。即不必附片。

遣官祭

日壇禮節。○先二日。禮部尚書詣犧牲所視牲。承祭官暨陪祀文武百官。均於邸第致齋。先一日。太常寺以祝版送內閣。恭書

皇帝遣某官某。餘辭同。受而奉諸

日壇神庫。御史禮部祠祭司官光祿寺少卿均朝服。視割牲瘞毛血。有司供具並如儀。及祀之日。雞初鳴。遣官朝服祇俟於壇外。禮部侍郎省盥。太

常寺卿率屬恭請

神位設於座。畢。卯初刻。遣官由壇北左門入。壇右門。行禮於階下。上香時。贊升壇。升降均由右階。不飲福受胙。王公不陪祀。贊引以太常寺贊禮郎祝帛送燎。遣官避立北旁。餘均如前儀。○道光二十三年

諭給事中文丕奏定例

朝日壇以卯刻致祭。本月二十一日禮成。將及卯初。請將承祭官交部議處等語。此次禮成。將及卯初。所早不過二三刻數。究與遲誤者有間。承祭官著毋庸

議處。嗣後凡遇遣官祭祀。其致祭時刻。總當恪遵定例。不得過早。亦不得稍遲。以昭敬慎。

親祭

月壇禮節。○每遇丑辰未戌年。

皇帝親祭

月壇。先二日。禮部尚書一人。至犧牲所視牲如儀。致

齋書祝版

閱祝版儀均與

日壇同。祀日未明。割牲於宰牲亭內。光祿寺少卿及

御史。禮部祠祭司官。均朝服視宰。宰人瘞毛血。

儀與

日壇同。黎明。太常寺官潔蠲壇上下。藉以稊薦。張神帳。設

夜明神座。專案東嚮。設

配位北斗七星。木火土金水五星。二十八宿。周天星辰神座。同案南嚮。工部官張

皇帝拜次於卯階上如式。晡後。太常寺卿率屬入壇具器陳

夜明位前。牛一。羊一。豕一。登一。釧二。簋簠各二。遵豆十。琖三十。鑪一。鐙二。

星辰位前。牛一。羊一。豕一。登一。鉶二。簠簋各二。遵豆各十。琖三十。鑪二。鎗二。中少南設一案。西嚮供祝版。北設一案。南嚮陳。

夜明位前。白壁一。禮神制帛一。色白。香盤一。尊一。爵三。並設福胙。加爵一。

星辰位前。禮神制帛十一。

色青赤黑黃各一。白七。

香盤一。尊一。

爵三。凡牲陳於俎。凡玉帛實於篚。凡尊實酒。承以舟。疏布幕勺具。鑾儀衛設洗於。

具服殿外。樂部率太常寺協律郎陳設樂懸舞佾。乃省筭。均與。

日壇同行禮位。卯階上。幃次正中為

皇帝拜位。西嚮。分獻官一人。位壇下之左。當階。陪祀
王公位。壇下左右。百官位。壇門外左右。均西面。
左班南上。右班北上。執事位。壇上。太常寺司拜
牌司拜褥官各一人。立於

皇帝拜位之左右。司祝一人。司香二人。司玉帛一人。
司帛一人。司爵二人。光祿寺卿二人。侍衛一人。
太常寺贊答福胙一人。侍儀禮部尚書。侍郎。都
察院左都御史。副都御史。樂部典樂各一人。位
南北序。分立祝案。尊案之次。如常儀。太常寺典

儀一人。司樂一人。南面立於階下之右。贊禮郎二人立分獻官位左右。記注官四人。北面立於壇門外之左。糾儀御史四人。禮部祠祭司官四人。引禮鴻臚寺官四人。分立王公百官拜位之次。協律郎歌工樂工舞佾。分立樂懸之次。傳贊二人。循壇門內牆東立。位均南北序。南北面。並與

日壇禮同。掌燎官率燎人立於壇外東北隅。申刻。太常寺卿赴

乾清門奏時。

皇帝御祭服乘輿出宮。前引後扈如常儀。鹵簿前導出。

西華門詣

月壇。

駕至壇北門外降輿。右贊引左對引太常寺卿二人恭導。

皇帝入北門中門詣

具服殿少俟。太常寺贊禮郎引分獻官於壇右門外北面立。鴻臚寺官引陪祀王公於殿外侍衛。後引陪祀百官南班於拜位南。北面。北班於路。

東。西面。序立祇俟。酉初刻。司祝恭奉祝版。設於祝案。禮部尚書一人率太常寺卿屬詣神庫上香行禮。恭請

神位入壇。以次安奉座上如儀。太常寺卿至

具服殿奏請詣

月壇行禮。

皇帝出次盥洗。鑾儀衛官跪奉盥奉巾如儀。司拜褥官豫布拜褥於壇上。拜次贊引對引官恭導

皇帝入壇東門左門升卯階。就拜位前西嚮立。司拜牌官跪安拜牌。退。前引內大臣提鑪官侍衛均

於階下止立。後扈大臣隨侍。贊禮郎引分獻官。鴻臚寺官引陪祀王公百官。均就拜位序立。典儀贊樂舞生登歌。執事官各共乃職。武舞執干戚進。贊引奏就位。

皇帝就位立。典儀贊迎。

神司香奉香進至。

神位前祇俟。司樂贊舉迎。

神樂奏迎光之章。樂作。司拜牌官起拜牌。贊引奏就上香位。及對引官恭導。

皇帝詣香案前。對引官至祝案前止立。司香跪。贊引。

奏跪。

皇帝跪。奏上香。司香進香。

皇帝上炷香。次三上辨香。興。贊引奏復位。及對引官
恭導。

皇帝復位。司拜牌官安拜牌。贊禮郎引分獻官由北
階升。詣。

星辰位前上香。畢。降階復位。贊引奏跪拜興。

皇帝行二跪六拜禮。傳贊官贊跪叩興。王公百官均
隨行禮。樂止。典儀贊奠玉帛。行初獻禮。司樂贊
舉初獻樂。奏升光之章。樂作。司樂舉節。舞千戚。

之舞。有司揭尊。霽。勺挹酒。實爵。司玉帛奉玉帛。
詣

夜明位前。司帛奉篚。詣

星辰位前。跪獻於案。皆三叩興。司爵奉爵。分詣各案
前。跪奠於墊中。皆退。司祝至祝案前。跪三叩。奉
祝版。跪案左。樂暫止。贊引奏跪。

皇帝跪。羣臣皆跪。贊讀祝。司祝讀祝。詩畢興。奉祝版
跪安。

夜明位前。篚內。三叩興。退。樂作。贊引奏拜興。

皇帝率羣臣行三拜禮。興。樂止。武功之舞退。文舞執

羽籥進。典儀贊行亞獻禮。司樂贊舉亞獻樂。奏
瑤光之章。樂作。舞羽籥之舞。司爵奉爵。分詣各
案前。跪獻於左。如初獻儀。樂止。典儀贊行終獻
禮。司樂贊舉終獻樂。奏瑞光之章。樂作。司爵奉
爵。分詣各案前。跪獻於右。如亞獻儀。樂止。文德
之舞退。太常寺贊禮郎一人。詣祝案前北面立。
贊答福胙。

皇帝飲福受胙。如

日壇儀。贊引奏拜興。

皇帝三拜興。又奏跪拜興。

皇帝復行二跪六拜禮。王公百官均隨行禮。典儀贊
徹饌。司樂贊舉徹饌樂。奏涵光之章。樂作。司玉
帛詣。

神位前跪叩。奉白璧以退。樂止。典儀贊送。

神。司樂贊舉送。

神樂。奏保光之章。樂作。贊引奏跪拜興。

皇帝率羣臣行二跪六拜禮。興。樂暫止。典儀贊奉祝。

帛饌送燎。司祝司帛詣。

神位前咸跪三叩。司祝奉祝。司帛奉篚。興。司香跪奉
香。司爵跪奉饌。興。以次恭送燎所。

皇帝轉立拜位旁南嚮。司拜褥官徹拜褥。俟祝帛過。仍布拜褥。

皇帝復位立。樂作。陪祀王公百官退班。贊引奏禮成。恭導。

皇帝出。趨左門入。

具服殿更衣。樂止。禮部尚書率太常寺卿屬恭請神位復御。儀與迎。

神同。贊引恭導。

皇帝出。具服殿。至壇北門外。乘禮輿。

法駕鹵簿前導。導迎樂作。奏祐平之章。

皇帝回鑾。王公從。各官以次退。不陪祀。王公百官仍朝服祇候。

駕至跪迎。

午門鳴鐘。樂止。王公隨

駕入。至內金水橋恭候。

皇帝還宮。退。太常寺官徹

乾清門齋戒牌。銅人送寺。○順治八年定。

月壇祝版。用白質墨書。玉用白璧。帛用白色。禮神制

帛。樂用六奏。樂章曰光。舞佾牲器。與

日壇同。

舊制用金爵。

皇帝祭服用玉色。

配位無玉。用制帛十有一。白七。青黃赤黑各一。○乾

隆四年奏准。

月壇舊於酉時致祭。

皇帝親詣行禮。於酉時前六刻申時三刻請

駕至壇。尚隔酉時二刻。嗣後

皇帝親詣

月壇行禮。於酉時前四刻申時五刻請

駕至壇。合致祭之時。○十三年奏准。

月壇

具服殿亦已告成。照

日壇之例。停設更衣大次。○五十五年。

高宗純皇帝親詣

月壇。御祭服。乘禮輿出宮。至光恆街。太常寺堂官二員。在前引十大臣前。恭導由北天門中門至東櫺星門外甬道北。鋪設梭薦處降輿。贊引對引。官恭導至盥手處盥手畢。入東櫺星左門升

壇。詣幄次拜褥前行禮。○嘉慶五年奉

旨。出入不入具服殿。○十九年

諭。秋祀

月壇嗣後如遇朕親祭之年。其

配位著派親郡王上香。○道光十一年

諭嗣後凡致祭

夕月壇應行雙籤請旨。題本內將上屆親詣致祭之處附片聲明。其應遣官致祭之年。即不必附片。

遣官祭

月壇禮節。○先二日。禮部尚書詣犧牲所視牲。承祭官分獻官及陪祀官。均於邸第致齋。先一日。書祝版。視割牲。有司供具如儀。祀日未刻。承祭官分獻官朝服豫俟壇外。禮部侍郎省窵。太常寺

卿屬恭設

神位訖。酉初刻。遣官由壇北左門入。壇右門。分獻官隨入。承祭官行禮於壇下。上香時。贊升壇。升降由南階。分獻官位在其左。升降由北階。不飲福受胙。王公不陪祀。贊引以太常寺贊禮郎。祝帛送燎。遣官避立南旁。餘均如前儀。